

Boliviano - Warmikuna Qilqasqakuna - Wives Scriptures

Efesios 5:22-24 Qhariyuq warmikunaqa, imaynatachus Cristoman uyarinku ajinata qusankuman uyart'achunku. 23 Imaraykuchus qhariqa warmimpaq umanmi, imaynatachus Cristoqa iglesiapaq uman kachkan ajinata, chay iglesiataq paypaq aychanmi; payllataqmi iglesiapaq qhispichiqnina. 24 Chaywampas, imaynatachus iglesiaqa Cristoman uyart'achkan, kikillantataqmi qhariyuq warmikunaqa imantimpi qusankuman uyart'ananku.

Efesios 5:31,33 "Chayraykum, qhariqa warminwan ujchakunapaq tatanta jinataq mamantawan saqipunqa, jinaspataq iskayninku uj sapa runallaman tukupunqaku." 33 Ajina kaqtinqa, qankunamanta sapa ujmi imaynatachus pay kikin munakuchkan ajinata warminta munakunan, warmitaq qusanmanqa tukuy sunqum uyart'anana.

1 Corintios 7:3-5 Qhariqa warminllawanmi ima ruwanankunataqa junt'anan, warmipas ajinallatataqmi qusanwanqa tukuy ima ruwanankunata junt'anan. 4 Warmiqa pay kikin aychanjawapi manam atiyniyuqchu kachkan, imaraykuchus aychanqa qharimpaqmi kapun, qharipas manallataqmi kikin aychanjawapi atiyniyuqchu kachkan, imaraykuchus warminllapaqtaqmi kapun. 5 Chayrayku, ujpas ujpas qankunapuraqa ama mana ninakuychischu, manachayqa Diosmanta mañakunaraykullam qankunapura rimanarakuspa uj chhika p'unchaykuna ama qayllakuwaqchischu. Chhikamantaqa wajmantam qankunaqa qayllachakupunaykichis; aychaykichista mana apaykachayta atispataq Supayqa juchaman jalaykuchisunkichisman.

1 Corintios 7:34 ajinamantam sunqunqa iskayman t'ipisqa kapun. Kikillantaq mana qhariyuq kapun chay warmiwan, jinallataq mana qhariyuq sipaspas Apu Tatapaq ruwayninkunamanta llakikunku, aychapi jinataq ajayupi ch'uwa kayniyuq kasqankurayku; chaywampas qhariyuq warmiqa kaypacha ruwaykunamanta jinallataq qharimpaq sunqunman kusichinamantam llakikuchkan.

Colosenses 3:18 Qhariyuq warmikuna, qhariykichisman uyart'akuychis, imaraykuchus qankunaqa Cristopi iyaw niqkunajinaqa ajinam kanaykichis.

1 Timoteo 2:11-15 Warmikunaqa, yachachiykunataqa jup'alla jinataq uyart'akuspam uyarinanku. 12 Manam warmikunapaq tukuyaq ñawpaqimpi yachachinankuta jinataq qhariman apaykachanankutapas munachkanichu. Paykunapaq jup'alla kanankutam munani, 13 imaraykuchus Diosqa Adán qhari runatam ñawpaqta ruwarqan, chhikamantam Eva warmitaqa ruwallarqantaq. 14 Chaywampas Adán qhariqa manam Supaywan sallqaykuchikuq kachkarqanchu, manachayqa warmikaqmi sallaqaykuchikurqan, ajinata sallqaykuchikuspataq juchamanmi jalaykupurqan. 15 Chaywampas warmiqa qhispichiyya taripanqam imachus uj mamapaq ruwanan kachkan chayta junt'anqa chhikaqa. Jinallataq Jesucristopi iyaw ninqaku, wakinkunaman munakunqaku chhika, jinataq uj sumaq ch'uwa kawsaytachus kawsanqaku chhikaqa.

Génesis 3:16 - 1 Pedro 3:1-6 Ajinallataq qankuna warmikunaqa qhariykichisman uyart'aychis, ajinamanta maykaq qharipas sumaq willaykunapi mana iyawnichkan chayqa, imaynatachus puriykachakunkichis chayta rikuspalla mana rimapayanaykichis munakuchkaqtin iyaw nipunankupaq, 2 imaraykuchus paykunaqa qankunapaq chiqampi puriykachakuq jinataq Diosman athunchaq kasqaykichistam rikunqaku. 3 Qankunapaq allich'arikusqaykichisqa ama

jawaniqlamanta kachunchu, imaynatachus chujcha simp'aykunawan yanjakunku, quri surtijakunawan churaykukunku jinataq achkha chaniyuq p'achakunawan p'achalliykukunku ajinataqa. 4 Astawampas allich'akusqaykichisqa mana mawk'akuq kachkan chaymanta kachun, mayqinchus sunqu ukhumantapacham jamun, chaytaq uj llamp'u jinataq sumaq kayniyuq ajayupim taripakun. Kay munaylla kachkan chay allich'akusqakaqmi Diospaq ñawpaqimpiqa astawan achkha chaniyuqqa. 5 Imaraykuchus ch'uwa kawsayniyuq warmikunapaq ñawpaq pachakunapi allinch'akusqankuqa kayllataqmi karqan. Chay warmikunaqa Diospim sunqunkuta churarcanku jinataq qharinkunamampas uyart'arqallankutaqmi. 6 Sara warmipas ajinallataqmi karqan, payqa Abraham qharinman uyart'arqan jinaspataq "tatay" nispam nirqan. Qankunapas imachus allin kachkan chaytachus ruwankichis jinataq mana imatapas manchankichis chhikaqa chay warmipaq ususinkunam kankichis.

Tito 2:1-5 Tito, imachus chiqan kachkan chaytam yachachinayki. 2 Iglesia pusaqkunaqa tukuy imatapas allin apaykachaqkuna, tukuywan allinmanta qhawasqa jinataq allin yuwayniyuqkunam kananku. Allin iyaw niyuq, munakuyniyuq jinataq ima ñak'ariykunapipas kallpacharisqam kananku. 3 Awichakunapas imaynatachus Diosman munakuq wawankuna puriykachananku kachkan ajinallataqa kawsakuchunku. Manam simi apaykachaqkuna kanankuchu, manallataqmi machaykukuqpas kanankuchu, astawampas sipas warmikunapaqqa uj rikuchiyjinam paykunaqa kananku. 4 Sipas warmikunamanqa imaynatachus qharinkuman jinataq wawankunaman munakunanku chaytam awichakunaqa yachachinanku, 5 allin yuwayniyuq kanankupaq, ch'uwa sunquyuq, wasinkutapas allin rikukuq, munakuyniyuq jinataq qharinkuman uyariqkunatam yachachinanku, ajinamanta ama pipas Diospaq willayninta juch'uychanampaq.

1 Corintios 11:5-7,10 Chaywampas uj warmichus umanta mana qatqatakuspa Diosmanta mañakun, manachayqa Diospaq sutimpi willan chhikaqa, pichus uman kachkan chay qharintam juch'uychachkan. Chujchantapas ruturqukuchkanman ajinam chayqa. 6 Imaraykuchus uj warmichus umanta mana qatqatakun chhikaqa, astawan allinraqmi kanman upita chujchanta ruturqukupunanqa. Chaywampas uj warmichus chujcha khuchurqukunata manachayqa ruturqukunata p'inqakun chhikaqa umanta qatqatakuchun ari. 7 Qhariqa manam umanta qatqatakunanchu, imaraykuchus payqa Diospaq uyampas kanman ajinam, jinallataq Diospaq athumpi kaynintam rikuchin. Chaywampas warmikaqqa qharipaq athumpi kaynintam rikuchillantaq, 10 Chayraykupunim warmiqa umanta qatqatakunana, ajinamanta qharimpaq jinataq angelkunapaq payjawapi atiyniyuq kasqankuta rikuchinapaq.

Proverbios 12:4; 14:1; 19:13; 21:9,19; 25:24; & 27:15,16 - contentious & angry Warmikuna

Proverbios 31:10-31 - The Virtuous Warmikuna